

## **Láhka**

### **luossabivddu mearreáigásaš giieldimis Deanu čázadagas**

Riikkabeivviid mearrádusa mielde mearriduvvo:

#### 1 §

##### *Deanu čázadaga guolástangiieldu*

Luossa (*Salmo salar*) lea ráfáiduhtton čuovvovaš Deanu čázadaga luossagoargŋunviidodagain:

1) Deanu váldooali, Anárjoga ja Skiehččanjoga viidodagat, main Suoma ja Norgga váldegotti ráđji manná;

2) Buolbmatjávri, Gálddašjohka Luovosvárjoga njálmmi ráđjái, Badje-Buolbmátjohka Badjedoržži ráđjái, Luossajohka Luossajávri ráđjái, Morešveaijohka njeallje kilomehtera bajás luoitinsajis Badje-Buolbmátjoga ráđjái sihke Skihpajohka vuosttas luobbala ráđjái;

3) Veahčajohka Veahčajávri ráđjái ja Váišjohka Váišluobbala ráđjái;

4) Ohcejohka Mierašjávri ráđjái, Čársejohka Linjinjohnjálmmis 10 kilomehtera bajás ja Geavu Fiellogáhjoga njálmmi ráđjái;

5) Goahppelašjohka Birkejohnjálmmi ráđjái, Birkejohka Badjedoržži ráđjái sihke Goaskinjohka Goaskinjávri ráđjái;

6) Njiljohka 13 kilomehtera nuppi juovahatgietti ráđjái;

7) Ahkojohka goržži ráđjái;

8) Gáregasjohka vihtta kilomehtera Luopmošjohnjálmmis bajás.

Ovddabealde 1 momeanttas dárkkuhuvvon luosa bivdin ja vuovdin lea ráfáiduhttináigge gildojuvvon.

#### 2 §

##### *Gildojuvvon bivdobiergasat*

Guollebivdu čuovvovaš luossabivdobiergasiiguin ja čuovvovaš bivdobiergasiid čázis doallan lea gildojuvvon 1 §:s namuhuvvon luossagoargŋunviidodagain

1) joddu ja meardi;

2) njánnggofierbmi; mii lea dárkileappot meroštallon Suoma ja Norgga gaskasaš soahpamuša guollebivddus Deanu čázadagas (SopS 42/2017) čuvvosa guolástannjuolggadusa 21 ja 23 §:s; sihke;

3) golgadat.

#### 3 §

##### *Ealáhus-, johtolat- ja birasguovddáža spiehkastatlohpi*

Ealáhus-, johtolat- ja birasguovddáš sáhtta ovttaskasdáhpáhusas diedalaš dutkamuša dadje geavada iskosiid várás miedihit lobi spiehkastit dán lágas mearriduvvon gildduin luossabivdui.

Lohpi ferte leat ákkastallon guollemáddodagaid suodjaleami dahje ceavzilis anu ovddideami várás.

#### 4 §

##### *Gubbeluosa (ruoššaluosa) bivdu*

Gubbeluossa bivdui álgi ferte almmuhit fidnus Lappi ealáhus-, johtalus- ja birasguovddáži mearreáiggi siste ovdal čuozihuvvon gubbeluosa bivdui (*Oncorhynchus gorboscha*) álgima. Almmuhussii galget gullat dieđut fidnu ovddasvástideaddjis, govvádus fidnus ja biergasiin, mat das geavahuvvojit, sihke mo fidnus gáržuduvvojit nu uhccin go vejolaš luosa (*Salmo salar*) bivdosii báhcima riskkat.

Fidnus ferte raporterejuvvot Lappi ealáhus-, johtalus- ja birasguovddáži mearreáiggi siste fidnu nohkamis. Raporta galgá doallat sisttis sálašin fidnejuvvon gubbeluosaid mearis ja oalgesállašis.

Fidnus almmuheami ja fidnus reporterema mearreáiggiin, fidnoalmmuhusa ja reporterema dárkilit sisdoalus sihke fidnu hilguma ákkain addojuvvojit dárkilit njuolggadusat eanan- ja meahccedoalloministeriija ásašusain.

#### 5 §

##### *Bearráigeahččoiseválddit ja guollebivddu bearráigeahččit*

Dán lága doahttaleami bearráigeahččet:

- 1) boles;
- 2) Rádjegozáhus;
- 3) guolástanlága (379/2015) 19 §:s dárkkuhan guolledoalloeiseválddit;
- 4) Meahciráđdehusa hálldašan stáhta čáhceviidodagain Meahciráđdehusa meahccedárkisteaddjit ja dat Meahciráđdehusa virgeolbmot, geaid bargun lea guolástanássiid dikšun; sihke
- 5) guolástanlága 103 § mielde dohkkehuvvon ja seammá lága 107 §:s dárkkuhuvvon fápmudusa oamastan guollebivddu bearráigeahčči.

#### 6 §

##### *Luosa guolástangielddu rihkkun*

Gii vásedin rihkku 1 dahje 2 §:s mearriduvvon gielddu ferte dubmejuvvot luosa guolástangielddu rihkkumis sáhkku.

#### 7 §

##### *Massinčuovvumuš*

Dat, gii lea áššáiduvvan 6 §:s dárkkuhuvvon dahkui ja váldán sálašin luosa, galgá dubmejuvvot massit stáhtii árvvu, mii das šlájás ovddasteaddjin lea.

Massinčuovvumušain mearriduvvo dasa lassin rihkuslága (39/1889) 10 logus.

Luosa árvvuš šlájás ovddasteaddjin mearriduvvo guolástanlága 119 § vuodul addojuvvon ásašusas.

#### 8 §

##### *Fápmuiboahhtin*

Dát láhka bohtá fápmui miessemánu 1 beaivve 2023 ja lea fámus juovlamánu 31 beaivvi 2023 rádjái.

---

Helssegis 17.11.2022

**Oaiveministtar**

**Sanna Marin**

Eanan- ja meahccedoalloministtar Antti Kurvinen